

MEMORIA DA PRESIDENCIA

Neste mandato 2023-2027, concédeseme a honra de presentar ante vostedes, representantes da cidadanía que conforman o Pleno da Corporación, un novo Proxecto de Orzamentos, neste caso para o vindeiro exercicio 2024.

Para a elaboración deste Proxecto de Orzamentos, a Deputación de A Coruña non foi allea ao novo contexto actual, continuando coa adopción de medidas extraordinarias inmediatas de contención do impacto económico e social, de apoio, en definitiva, aos concellos da provincia, que son os que estiveron e están en primeira liña das diferentes crises que aínda estamos a padecer.

PRIMEIRO.- RESUMO DO ANTERIOR MANDATO 2019-2023

No espazo dedicado a facer unha “*memoria telegráfica*” das accións que ocuparon o anterior mandato da Corporación Provincial no período 2019-2023, considero necesario facer tres apartados:

1.- Unha primeira área da actividade provincial é a relativa a dar continuidade e profundar en liñas de accións que constituíron a actividade anterior da Deputación:

- Plans provinciais:

Denominación do Plan	Aplicación Orzamentaria	Exercicio 2019		Exercicio 2020		Exercicio 2021		Exercicio 2022	
		Créditos iniciais	Créditos definitivos	Créditos iniciais	Créditos definitivos	Créditos iniciais	Créditos definitivos	Créditos iniciais	Créditos definitivos
C.E.L. Plan de Obras e servizos (POS+) Achega anticipada no exercicio anterior	0430/459/46201	0,00	0,00	0,00	0,00	0,00	4.000.000,00	0,00	0,00
	0430/459/76201	0,00	16.800.000,00	0,00	8.700.000,00	0,00	26.100.000,00	0,00	17.400.000,00
C.E.L. Plan de Obras e servizos (POS+) Achegas do propio exercicio	0430/459/46201	21.000.000,00	21.000.000,00	16.000.000,00	25.000.000,00	12.000.000,00	12.000.000,00	13.500.000,00	13.500.000,00
	0430/459/76201	5.500.000,00	44.500.000,00	2.500.000,00	12.500.000,00	3.000.000,00	28.000.000,00	6.500.000,00	48.500.000,00
C.E.L. POS Préstamo Provincial	0430/943/821...	18.200.000,00	18.200.000,00	22.700.000,00	22.700.000,00	5.500.000,00	5.500.000,00	1.500.000,00	1.500.000,00
POS+ Social	0611/23126/46201	0,00	0,00	0,00	0,00	14.000.000,00	14.000.000,00	5.000.000,00	6.665.954,79
	0611/23126/76201	0,00	0,00	0,00	0,00	0,00	0,00	2.000.000,00	334.045,21
Total POS+		44.700.000,00	100.500.000,00	41.200.000,00	68.900.000,00	34.500.000,00	89.600.000,00	28.500.000,00	87.900.000,00
Plan de Conservación de vías provinciais	0410/4531/61900	8.000.000,00	8.000.000,00	8.000.000,00	8.000.000,00	8.000.000,00	8.000.000,00	10.200.000,00	10.200.000,00
Plan de Inversións de vías provinciais	0410/4531/60900	3.500.000,00	3.500.000,00	3.500.000,00	5.684.080,77	3.500.000,00	9.245.725,35	1.695.000,00	10.341.858,34
Plan de Travesías	0410/4533/60900	1.650.000,00	1.650.000,00	1.650.000,00	2.070.009,20	1.650.000,00	2.197.195,27	1.130.000,00	2.377.135,10
Plan Sendas peonís	0410/4535/60900	1.650.000,00	1.650.000,00	1.650.000,00	2.274.100,64	1.650.000,00	4.995.345,80	1.130.000,00	1.732.717,69
Total Plans de estradas		14.800.000,00	14.800.000,00	14.800.000,00	18.028.190,61	14.800.000,00	24.438.266,42	14.155.000,00	24.651.711,13
Plan de Empleo Local (PEL)	... /24100/ ...	9.824.739,41	16.339.508,14	9.149.485,31	28.004.410,30	10.000.000,00	25.675.288,02	12.632.250,00	20.426.282,01
TOTAL DE TODOS OS PLANS		69.324.739,41	131.639.508,14	65.149.485,31	114.932.600,91	59.300.000,00	139.713.554,44	55.287.250,00	132.977.993,14

- Asistencia aos concellos da provincia nos ámbitos xurídico, económico, tributario, informático e urbanístico.
- Fomento dos servizos sociais, da cultura, do deporte, da lingua, etc..., tanto directamente dende a Deputación como en colaboración cos concellos ou outras entidades de titularidade municipal así como con entidades privadas sen ánimo de lucro.
- Actividades en colaboración cos entes dependentes: Consorcio Provincial Contra Incendios e Salvamento da Coruña e Fundación Axencia Enerxética Provincial (FAEPAC); así como con outras entidades públicas como o Consorcio Promoción Turística da Coruña, o Consorcio de Promoción da Música, etc...
- O sistema de información Europe-Direct.

2.- Un segundo apartado, que reflicte a posta en marcha de novos proxectos que se encontrarían pendentes de execución ou simplemente de finalización:

- Carril-bici metropolitano.
- Formación financiada polo Fondo Social Europeo (FSE) para a inserción laboral de colectivos con especiais dificultades.
- Implantación da Administración electrónica na Deputación e nos concellos.
- Programas de transparencia e de Protección de Datos.

3.- Un terceiro apartado que se refire a os novos proxectos, xestionados integramente pola corporación anterior:

- A definición, regulación e aplicación dun novo modelo de cooperación cos concellos da provincia, a través do Plan de Obras e Servizos POS +.
- A elaboración e execución dun ambicioso Plan de Emprego Local.
- A aprobación dun Plan Director de Mobilidade.
- A definición e aprobación inicial da participación da Deputación en proxectos relacionados cos Camiños de Santiago.
- Os xeoparques.
- O proxecto Coruña Estudo Inmersivo.
- O proxecto Concello Dixital.

SEGUNDO.- PROXECTOS ESTRATÉXICOS DESENVOLVIDOS NO PERÍODO 2019-2023

1) O Plan de Obras e Servizos dirixido aos concellos da provincia (POS +)

Neste Plan procuráronse distintos obxectivos:

- a) Reunir nun so fondo de financiamento municipal todas as accións, plans especiais e subvencións provinciais dirixidas aos concellos da provincia. Isto permite a aplicación de criterios obxectivos de asignación dos recursos dispoñibles, reduce os custos da xestión administrativa provincial e municipal, permite a programación temporal dos servizos e dos investimentos e mellora a transparencia na xestión pública local.

b) O POS+ tamén permitiu converter aos concellos en protagonistas das súas decisións e da súa xestión, ao poder determinar coa maior autonomía posible o destino dos fondos que lles son asignados. Elimínase así o perverso paradoxo das subvencións finalistas nas que o ente concedente decide o seu destino e o concello pode ver como conta con recursos para unha finalidade non prioritaria mentres non pode abordar proxectos estratéxicos para a calidade de vida dos seus cidadáns.

Finalmente os recursos provinciais destinados ao POS+ alcanzaron neste período máximos históricos que permitiron aos concellos realizar obras municipais programadas, reducir ata eliminar o endebedamento con entidades financeiras e o seu custo, mellorar o período medio de pago aos seus provedores e atender os gastos correntes que resultan da prestación de servizos municipais esenciais e financiar con maiores recursos os servizos sociais municipais orientados aos cidadáns en situación mais vulnerable.

A creación do Plan Único xa no 2017 (POS+) supuxo a multiplicación por 4 dos fondos que a Deputación achega aos concellos para financiar obras e servizos, pasando de 25 millóns no ano 2016 a 90 millóns no 2017. Hoxe os concellos coruñeses reciben entre 4 e 5 veces máis fondos que nos mandatos anteriores. A Deputación da Coruña investiu nos concellos dese 2017 máis de 545 millóns e financiou 3.920 obras.

ANO	A FONDO PERDIDO	A PRÉSTAMO	TOTAL
2017	66,5 M	21,5 M	90 M
2018	71,4 M	23,5 M	94,9 M
2019	82,3 M	18,2 M	100,5 M
2020	46,2 M	22,7 M	68,9 M
2021	81,4 M	5,5 M	89,6 M
2022	86,4 M	1,5 M	87,9 M
2023	88,5 M	0,5 M	89 M

O seu carácter dinámico e adaptativo púxose a proba no período 2020-2021, no que o Plan Único mostrouse como unha ferramenta útil para encaixar as dificultades da pandemia e a crise da inflación. A través do plan foi posible dotar de recursos extra aos

concellos para abordar o incremento de custos dos servizos municipais, mediante o POS COVID e o POS SOCIAL, e a revisión excepcional de prezos dos contratos de obras.

2) O Plan de Emprego Local (PEL)

Este Plan ten diferentes destinatarios e un fin común: Mellorar cuantitativamente e cualitativamente o emprego na provincia e fomentar a actividade económica e o emprendemento.

Os eixos do PEL deseñados para tal fin son os seguintes:

a) **PEL-CONCELLOS:** Apoio a todos concellos da provincia na creación de empregos para a prestación de servizos municipais básicos a través de axudas á contratación de persoas desempregadas en risco de exclusión laboral para a prestación de servizos municipais imprescindibles, acordes ás competencias definidas nos artigos 25 e 26 da Lei reguladora das bases do réxime local.

b) **PEL-EMPRENDE:** Que inclúe:

i) **PEL-Emprende Investimento:** Apoio á creación de empresas no ámbito local a través do apoio ao investimento en bens inventariables relacionados coa actividade empresarial.

ii) **Rede Provincial de Espazos de Traballo Colaborativo:** o PEL foi pioneiro á hora de impulsar esta Rede a nivel provincial vai xa 5 anos.

A Rede Provincial de Espazos de Traballo Colaborativo é unha Rede sui generis, única na súa especie. Está formada por 12 centros distribuídos ao longo e ancho da provincia é especializados nos sectores máis puxantes da zona na que se localizan.

Ademais, grazas a Rede da Deputación esta oportunidade chega tamén ao rural, xa que a meirande parte dos coworking localízanse en concellos de menos de 20.000 habitantes da provincia, proporcionando unha oportunidade de

autoemprego á mocidade do rural, contribuíndo deste xeito a Rede a reter o talento local e evitar o despoboamento.

A día de hoxe atópanse adheridos os centros de Emprene-LAB Barbanza de Boiro, Daquí Darredor en Brión, o coworking Carballo, o espazo A Proa de Ames, o Centro Comarcal de Apoio ao Desenvolvemento Rural de Moeche, o coworking da Capela, o Green Coworking en As Pontes, o centro de emprendemento A Estación de Vedra, o coworking da Pobra, o coworking dixital Ccompostela en Santiago, A Casa do Pescador de Miño e, como buque insignia da rede, o coworking do Pazo de Arenaza de Oleiros.

- iii) **PEL-AUTÓNOM@S:** A Deputación da Coruña recoñece o importante papel que xogan as persoas autónomas no tecido económico provincial, polo que no ano 2021 puxo en marcha unha liña específica para aliviar a súas cargas financeiras, subvencionando unha parta das cotas á Seguridade Social.

Con esta liña apoiase ás persoas emprendedoras que poñen en marcha negocios nos concellos máis rurais da provincia contribuíndo, deste xeito, á loita contra o despoboamento e dinamizando as economías locais.

- c) **PEL-PEMES:** Esta liña trata de fomentar a inserción laboral nas empresas situadas en concellos de menor poboación (de menos de 20.000 habitantes), favorecendo o emprego estable e de calidade a nivel local. Estes programas de axudas á contratación para a creación, ampliación e ao mantemento do cadro de persoal de pemes e microempresas, subvencionan o soldo e seguridade social para a contratación e mantemento do traballador durante un período máximo de 24 meses. Desta maneira se favorece o emprego estable e de calidade a nivel local das persoas traballadoras con maiores dificultades de inserción laboral no ámbito local.

- d) **PEL-FINANZAMENTO EUROPEO:** Deseñáronse e presentáronse candidaturas ás convocatorias de programas de financiamento da Unión Europea que máis se adecúan aos obxectivos do PEL.

Os proxectos aprobados ata o momento son:

- i) EIXO "Estratexia de Inserción" (PO Emprego Xuvenil. FSE)

- ii) PEL-Emprego Sostible no ámbito rural (Programa Operativo de Emprego, Formación e Educación (AP-POEFE. FSE)
- iii) PEL-Relevo (Programa Operativo de Emprego Xuvenil. FSE)
- iv) PEL-Rurinnova (Programa Operativo de Emprego Xuvenil. FSE)
- v) GEFRECON - Xestión forestal conxunta para a prevención de incendios en territorio (POCTEP)

Estes proxectos supoñen un investimento de 7.213.298,31 €, dos que 2.133.713,48 € son de fondos propios e 5.079.584,83 € son de financiamento europeo.

Os resultados do PEL, en datos, máis elocuentes que as palabras, son os seguintes:

- 6.335 empregos creados.
- 2.553 empresas novas apoiadas.
- 1.843 profesionais autónomos subvencionados.
- 4.483 subvencións concedidas a empresas afectadas pola pandemia ou polas consecuencias da invasión de Ucraína.
- Máis de 10.000 solicitudes de subvencións en trámite.
- Posta en marcha de 12 espazos coworking, con 160 coworkers actualmente.
- Movilización de casi 125 millóns de euros en programas de emprego entre 2016 e 2023.

3) Traballamos e dotamos de recursos a **mellora continua dos servizos provinciais a favor dos concellos** da provincia con proxectos de mellora continua en todos os ámbitos:

- Asistencia tributaria
- Asistencia xurídica
- Asistencia económica
- Asistencia técnica, arquitectura e urbanismo
- Asistencia técnica-contable

- Asistencia técnica-informática e de sistemas
- Apoio na tramitación de Fondos Europeos Next Generation

4) Como consecuencia do confinamento pola pandemia da Covid e, posteriormente, con motivo da alza súbita e significativa do prezo da enerxía, a institución provincial que presido foi quen de atender as necesidades de cidadáns de forma inmediata e moi áxil. Así tramitáronse **liñas de subvencións de emerxencia** a favor das persoas e dos sectores afectados por estas situacións

AXUDA	INVESTIMENTO	CONCEDIDAS
PEL-Reactiva I (fondo para os concellos)	9.949.470,39	88
PEL-Reactiva I (HOSTALARÍA)	3.958.500,00	2.639
MUR-Combustible	4.998.000,00	1.666
PEL-Concellos Orquestras e Verbenas	623.541,75	79
TOTAL	19.529.512,14	4472

Grazas ao empeño de todos, políticos e funcionarios, conseguíuse tramitar esta achegas en tempo de marca, nalgúns casos en menos de 24 horas.

5) **A área de servizos sociais** ten sido un dos ámbitos fundamentais de actuación deste mandato. Nos últimos anos, incrementáronse nun 137% os investimentos en benestar social. O programa de servizos sociais comunitarios (SAF) pasou de 4 millóns no 2015 a 8,6 millóns no 2023, financiando 411.000 horas e incrementando os profesionais contratados nos concellos que pasaron de 90 a 179. Aumentan tamén de 196 a 279 as entidades sociais que recibiron apoio económico da Deputación Provincial.

6) Puxemos todo o noso empeño en **acceder nas mellores condicións posibles aos Fondos Europeos dispoñibles**. Particularmente procuramos que a Deputación o os concellos poidan aproveitar todas as oportunidades. Para tal fin leváronse a cabo numerosas actividades:

a) Creación dunha **Oficina de Información e asesoramento para acceder aos Fondos Next Generation**. Trátase do primeiro centro de Galicia especializado na

captación de fondos Next Generation para os concellos. Así, dende o inicio da súa actividade no mes de marzo do presente ano lévanse analizado e informado sobre un total de 70 asesoramentos especializados; realizando máis de 20 visitas directas, persoais e presenciais a concellos para a identificación dos seus intereses; ou realizado máis de 820 accións de información e asesoramento a concellos, entidades, empresas ou particulares,... xa que o servizo de información e asesoramento sobre fondos Next Generation non se limita exclusivamente a concellos, senón que tamén se ofrece ás empresas e á cidadanía interesada. A finais deste exercicio 2022 teranse mobilizado a través da oficina máis de 10 millóns de euros dos fondos Next Generation para a nosa provincia.

- b) Tramitación de numerosas solicitudes que xa se materializan en resultados prácticos en forma de proxectos con financiamento confirmado: Oficina Acelera Pyme, IOAE, ...
- c) Convenios con outras Administracións Públicas para a obtención e/ou xestión de Fondos Next Generation.

7) Por último hai que destacar a **aposta neste mandato polo rural**. Todas as actuacións mencionadas teñen un nexo común que é a aposta polo rural, un rural vivo, con infraestruturas, emprego e servizos de calidade. Estamos a dar un paso máis e, fronte a outras administracións, amosamos o noso compromiso, con feitos, e iniciamos nesta legislatura a descentralización de oficinas e centros de dinamización empresarial (OFICINA Capela e Acelera Pymes).

A creación e execución de todos estes programas e actuacións supuxeron un reto para a Deputación da Coruña, unha institución bicentenaria, que foi capaz, neste mandato, de dar un salto cualitativo e ofrecer unha resposta áxil e eficaz as necesidades de cidadáns e concellos ante os desafíos do presente e o futuro.

TERCEIRO.- PROXECTO DE ORZAMENTO PARA O EXERCICIO 2024

Mantendo a continuidade na política de rigor e contención do gasto corrente, enuméranse de seguido algún dos fundamentos dos que se partiu para a cuantificación dos distintos capítulos de gastos e ingresos do orzamento:

A) PREVISIÓNS DE INGRESOS

1) No exercicio 2024 non se contempla ningunha operación de crédito e non é precisa dotación algunha para intereses ou amortizacións ao non existir débeda con entidades financeiras. Isto supón manter a situación de débeda "cero" e, por tanto, non trasladar ao futuro o custo financeiro dos investimentos do presente. Esta circunstancia é especialmente relevante nun contexto de alza acelerada dos tipos de xuro, e debe poñerse en contraste con outras administracións como a Xunta que prevé inicialmente neste ano un incremento dos custos da débeda, previsión inicial que, de seguro, se verá superada nos próximos meses.

Doutra banda, por primeira vez nos últimos anos, contéplase un ingreso previsible por intereses dos fondos provinciais en entidades financeiras.

2) O concepto de ingresos de máis importancia tanto en termos absolutos como relativos é o apartado xenérico de participación nos tributos do Estado que non experimenta incremento significativo respecto da previsión inicial dos últimos exercicios. Nas previsión por este concepto é preciso deducir o resultado das liquidacións definitivas dos exercicios 2008, 2009 e 2020 cuxa devolución orixinada por unha inadecuada previsión estatal segue afectando á sustentabilidade da facenda provincial.

Neste apartado cabe significar a previsión contida na Lei de orzamentos xerais do Estado do exercicio 2023 de compensar ás entidades locais pola liquidación negativa da participación nos ingresos do Estado do exercicio 2020 no importe que correspondería devolver no exercicio 2023, 15.578.713,27 €. Non existe esta previsión para o 2024 ao non estar aprobado o proxecto de Lei de orzamentos xerais do Estado para o dito exercicio. O importe a reintegrar pola Deputación no exercicio 2024 por este concepto é de 6.795.922,53 €.

- 3) No apartado dos recursos propios provinciais destacan tres realidades que son significativas neste momento:
- a) Adoptouse unha vez mais, o acordo de manter as tarifas das taxas e prezos públicos provinciais por razón do carácter cultural, educativo ou social do seu contido, o que de feito supón practicamente manter a capacidade de financiamento actual dos servizos provinciais, que é moi inferior ao seu custo real e efectivo.
 - b) Propoñémonos manter a porcentaxe para determinar a entrega a conta aos concellos que nos encomendaron a recadación dos seus tributos no 98% da súa recadación previsible. Desta forma os concellos usuarios dos servizos de xestión, recadación e inspección tributaria provincial disporán mensualmente dun anticipo a conta da recadación dos seus tributos ou, o que é o mesmo, disporán dunha operación de tesourería sen custo financeiro algún que lles permitirá:
 - i) Estimar con precisión as súas cobranzas mensuais.
 - ii) Elaborar o seu Plan de Disposición de Fondos.
 - iii) Atender con puntualidade as súas obrigacións de pago.
 - c) Neste sentido tamén se mantén o adianto do importe das subvencións provinciais a concellos con motivo da adxudicación ou iniciación efectiva das obras ou actividades subvencionadas, cando así se estableza nas bases específicas.
 - d) Tamén se anticipará aos concellos, que opten por dedicar total ou parcialmente a súa asignación no POS+ a gasto corrente, o 100% do importe que dediquen a financiar o funcionamento operativo dos servizos municipais obrigatorios.
 - e) Mantense a aplicación do ámbito de xestión provincial para permitir a instrución e recadación das sancións municipais en materia de tráfico como un servizo mais aos concellos da provincia que delegaron este labor para aproveitar as vantaxes operativas que comporta un servizo de ámbito provincial para esta finalidade. Tamén se dedican novos recursos á revisión e actualización de valores catastrais naqueles termos municipais nos que transcorreu máis tempo desde a última actualización. Así mesmo, están a facerse xestións para ampliar substancialmente os recursos humanos e materiais destinados á xestión do Imposto de Bens Inmóbiles, á Atención Persoal ao Contribuínte e á Información Catastral, co obxecto de optimizar os seus labores.

- 4) Como consecuencia da aposta estratéxica de optar aos Fondos Europeos Next Generation UE mantense no termo municipal da Capela unha oficina de información e xestión de fondos Next Generation, que da asesoramento aos 93 concellos da provincia co obxectivo de posionalos como potenciais beneficiarios dos fondos europeos. O noso obxectivo é situar á provincia da Coruña á vangarda de España neste ámbito e que ningún concello perda esta oportunidade histórica por falta de medios técnicos.
- 5) Non se contempla ingreso algún pola participación nos tributos da Comunidade Autónoma. En efecto, como é sabido, a actual regulación do Fondo Galego de Cooperación Local non contempla ás Deputacións Provinciais entre os seus destinatarios. É a miña obrigación institucional manifestar, unha vez máis, que se está incumprindo, ao meu modo de ver, o mandato contido no artigo 142 da Constitución Española xa que, cando se establece que “as entidades locais participarán nos tributos do Estado e das Comunidades Autónomas” refírese a todas as entidades locais enumeradas nos artigos anteriores do propio texto constitucional, e dicir, os municipios e as provincias.
- 6) Para a confección deste Proxecto orzamentario, tense partido dunha estimación moi realista e aplícanse as seguintes referencias de estabilización automática:
 - a) Se os ingresos acreditados ata o 30 de setembro de 2024 pola participación nos tributos do Estado permitisen estimar fundadamente unha maior recadación durante o exercicio, incrementaranse as dotacións destinadas aos concellos no importe correspondente, sempre que os restantes conceptos de ingreso se vaian realizando con normalidade. Se ditos ingresos foran inferiores aos estimados terán que realizarse os axustes correspondentes nas partidas de gasto reducibles sen perturbación dos servizos esenciais.
 - b) Se a liquidación do Orzamento de 2023 presenta un saldo positivo do Remanente de Tesourería dispoñible para novos gastos, destinarase o seu importe a novos proxectos estratéxicos a incrementar o orzamento do Plan provincial POS + 2024

dirixido aos concellos da provincia para atender investimentos financeiramente sustentables vinculados aos gastos dos servizos municipais esenciais.

- c) As economías de adxudicación obtidas nos Plans Provinciais reinvestiranse no concello correspondente na súa totalidade.
- d) O 75 % do importe do Fondo de Continxencia que non se teña utilizado a 1 de outubro de 2024, destinarase a novos gastos de investimentos financeiramente sustentables, sempre que as condicións de estabilidade orzamentaria así o permitan.
- e) Os Plans Provinciais que se dotan inicialmente financiaranse integramente con recursos propios e poderán aprobarse tan axiña como se dispoña da documentación municipal necesaria.

Dende logo que segue a ser unha prioridade deste Equipo de Goberno realizar un gasto responsable e, como consecuencia disto, non se gastará máis do que nos permiten os nosos recursos dispoñibles, a pesar da suspensión temporal da aplicación das regras fiscais.

B) PREVISIÓNS DE GASTOS

A Deputación da Coruña está a traballar na elaboración da estratexia "**Coruña Futuro**" que implica o deseño dun marco de acción verdadeiramente actualizado e adaptado á realidade provincial, que non deixe a ninguén atrás e dotado de políticas públicas que fomenten a cohesión do territorio, que favorezan o benestar das persoas, que estimulen a innovación e o emprego, ao tempo que incorporan unha visión transversal de sustentabilidade na tripla dimensión: económica, social e ambiental.

Podemos sinalar como eixos de actuación desta estratexia provincial "Coruña Futuro" os seguintes:

- A xeración de riqueza, o apoio ao tecido productivo e ao emprendemento.

- Favorecer a cohesión e o equilibrio territorial e social grazas a unha adecuada dotación de infraestruturas e servizos en todo o territorio, capaz de garantir a sustentabilidade ambiental, o benestar social, e a igualdade de xénero e de oportunidades.
- A loita contra o despoboamento.
- A transformación dixital da administración e das empresas, e a inclusión dixital da cidadanía.
- A aposta pola innovación e a atracción do talento.
- A protección do patrimonio cultural.
- A extensión da protección social.
- A loita contra a desigualdade.

Todos estes obxectivos concréntanse e materialízanse nas propostas contidas no estado de gastos do orzamento provincial para o exercicio 2024 que podemos sintetizar nos seguintes apartados:

- 1) Continuaremos a execución de programas xa iniciados e que consideramos nestes momentos do máximo interese:
 - a) O Plan de Infraestruturas Provinciais que terá un incremento do 20,30 % (3.941.344,56) ata alcanzar os 23,3 millóns no orzamento de 2024 co seguinte detalle:

DOTACIÓN ORZAMENTARIA DOS PLANS DE INFRAESTRUTURAS PROVINCIAIS	
DENOMINACIÓN DO PLAN	IMPORTE
PLAN DE CONSERVACIÓN DE VÍAS PROVINCIAIS	12.650.000,00
PLAN DE INVESTIMENTO EN VÍAS PROVINCIAIS	2.127.500,00
PLAN DE SENDAS PEONÍS (2023-2024)	1.750.000,00
PLAN PROVINCIAL DE ESTRADAS A TRANSFERIR	1.362.000,00
TOTAL PLANS	17.889.500,00

b) O Plan de Obras e Servizos Municipais POS+ 2024, que tamén incrementa significativamente os importes da súa dotación total. Segundo a dotación inicial o Servizo de Xestión de Plans disporá dun crédito total de 24.500.000,00 €, aos que hai que engadir os 19.000.000,00 € incluídos no EMC 5/2023 como achega anticipada ao POS+ 2024. E un ano máis inclúese a maiores unha dotación de 7.000.000,00 € para unha liña específica denominada POS+ social cuxa finalidade é reforzar os servizos sociais municipais.

En total o POS+ 2024 contará inicialmente con 50.500.000,00 €, o que supón un incremento respecto do exercicio anterior de 3.500.000,00 €, que representan un 7,44%.

c) O Plan de Emprego Local (PEL) é unha iniciativa par a promoción do emprego, o fomento do emprendemento e o desenvolvemento socioeconómico do territorio.

O Plan de Emprego Local posto en marcha en 2016, pola presente corporación, creou arredor de 6.300 novos empregados dende o seus inicios ata a actualidade e supuxo unha aposta polo emprendemento e a creación de novos postos de traballo sen precedentes na historia da Deputación da Coruña, converténdose desta forma nun dos proxectos insignia de presente goberno. De feito, o investimento da Deputación en emprego pasou en tan só 7 anos de ser de 1 millón de euros a preto de 125 millóns de euros.

ORZAMENTO PEL 2016-2023	
ORZAMENTO PEL 2016-23 INICIAL	74.605.224,72
ORZAMENTO PEL 2016-23 DEFINITIVO	124.597.053,27

Concretamente, no que se refire aos exercicios 2023-2024, os fondos iniciais destinados ao PEL incrementáanse nun 24,10 %, pasando de 12,8 millóns a 15,9 millóns de euros.

ORZAMENTO 2023	INICIAL	DEFINITIVO
PEL-CONCELLOS REACTIVA	3.000.000,00	3.606.000,00
PEL-EMPRENDE	4.630.000,00	7.002.240,50
PEL-PEMES	4.500.000,00	6.100.000,00
FINANCIAMENTO EUROPEO	425.000,00	425.000,00
XESTIÓN	335.000,00	474.131,78
TOTAL	12.890.000,00	17.607.372,28

ORZAMENTO 2024	INICIAL
PEL-CONCELLOS	3.606.000,00
PEL-EMPRENDE	6.880.000,00
PEL - PEMES	4.500.000,00
FINANCIAMENTO EUROPEO	625.000,00
XESTIÓN	385.000,00
TOTAL	15.996.000,00

O Plan de Emprego Local artículase en catro grandes liñas de actuación:

- PEL-CONCELLOS
- PEL-EMPRENDE (que inclúe: PEL-Empende Investimento, PEL-Autónomos, PEL-Premio provincial a mellor iniciativa empersarial e Rede Provincial de Espazos de Traballo Colaborativo que conta con 11 centros a maiores do instalado no Pazo Arenaza)

- PEL-PEMES
- PEL-FINANCIAMENTO EUROPEO

Adicionalmente ás liña de actuación contemplase a liña 5-Xestión do Plan, relativa á estrutura e funcionamento.

A través da execución das liñas anteriores esperamos que o PEL teña un impacto significativo na estimulación do crecemento económico: mediante o fomento do emprego, o apoio ao emprendemento e o fortalecemento do tecido empresarias local, particularmente no rural.

En resumo, o Plan de Emprego Local da Deputación Provincial da Coruña ten o potencial par xerar un punto de inflexión na provincia, mellorando o benestar da poboación, acadando unha maior cohesión social e promovendo o progreso en todo o territorio.

Nunha primeira aproximación destinaranse no exercicio 2024 a estes plans mencionados un importe total de 84.385.500,00 € co seguinte detalle:

DOTACIÓN ORZAMENTARIA DOS PLANS PROVINCIAIS NO EXERCICIO 2024	
DENOMINACIÓN DO PLAN	IMPORTE
C.E.L. PLAN DE OBRAS E SERVIZOS (POS) Acheга anticipada 2023	19.000.000,00
C.E.L. PLAN DE OBRAS E SERVIZOS (POS+ 2024)	24.500.000,00
C.E.L. POS+ SOCIAL 2023	7.000.000,00
PLAN DE CONSERVACION DE VIAS PROVINCIAIS	12.650.000,00
PLAN DE INVESTIMENTO EN VIAS PROVINCIAIS	2.127.500,00
PLAN DE SENDAS PEONÍS	1.750.000,00
PLAN PROVINCIAL DE ESTRADAS A TRANSFERIR	1.362.000,00
PLAN DE EMPREGO LOCAL (PEL) 2023	15.996.000,00
TOTAL PLANS	84.385.500,00

- 2) Destinaranse importantes recursos aos plans provinciais e aos convenios para investimentos municipais para mellorar as estruturas e servizos municipais que tan directamente afectan ao benestar cidadán.
- 3) Refórzase a **Promoción Económica e o Turismo** cuns incrementos do orzamento que supoñen un 21,29% respecto do ano 2023. Mantéñense as liñas de promoción dos sectores primarios: agricultura, gandería, pesca, e créanse novas iniciativas destinadas á promoción do produto autóctono da provincia e da artesanía, dada a súa relevancia para a economía do rural.

No eido da protección contra os incendios mantense o financiamento do Consorcio Provincial Contra Incendios e Salvamento da Coruña cunha achega de 3.730.262,76 €, e tamén o financiamento dos GES cunha achega anual de 1.292.000,00 €.

A aposta da Deputación da Coruña polo desenvolvemento turístico sostible basease na execución dos Plans de Sostibilidade Turística en Destino (PDTD) concedidas a través de fondos Next Generation UE (Xeoparque Cabo Ortegal, Proxecto Fragas do Eume, Proxecto Os Fogóns do Anllóns, Proxecto Vía Verde Compostela-Tambre.Lengüelle e Proxecto Centro histórico de Ferrol e patrimonio militar da Costa Ártabra)

- 4) Realízase un importante esforzo no **eido social para** reforzar os servizos municipais, apoio ás asociacións e entidades prestadoras destes servizos e atender as situacións de emerxencia social.

Incrementábase o gasto social nun 6,4% con respecto ao orzamento de 2022 ate chegar aos 24.355.500,00 €. Contéplase nestes orzamentos 1.000.000,00 € para unha nova liña destinada a entidades socias para a dotación de infraestruturas estratéxicas.

- 5) Tamén se incrementan os recursos destinados a outros programas que consideramos prioritarios e preferentes, como a **promoción da igualdade**, que aumenta un 10,7%

respecto ao pasado exercicio, e o **fomento da lingua galega** que incrementa a súa dotación nun 16,6% e os **programas de educación e mocidade** nun 57,63%.

- 6) Prestarase especial atención no vindeiro exercicio á **protección do patrimonio da provincia**, continuando coa posta en valor dos proxectos do Megalitismo Costa da Morte, Compostela Rupestre e Idade de Ferro de Barbanza,... que se completarán con outros proxecto como a posta en valor do patrimonio histórico militar das Baterías da Costa Norte (Ferrol, Ares e Valdoviño).
- 7) Dótanse 30.250,00 € na anualidade 2024 para continuar co desenvolvemento do proxecto “**Ecosistema dixital do sector audiovisual de Galicia - Coruña Estudo Inmersivo**”, no ámbito da sociedade da información cun investimento total de 8.764.010,00 € (Fondos propios: 3.723.010,00 – Financiamento Europeo Next Generation: 5.041.000,00 €).

Este proxecto nace da firme aposta da entidade que represento polo sector audiovisual galego: pola súa achega á economía, á identidade cultural galega e á proxección de Galicia e España no exterior. O Ecosistema Dixital do Sector Audiovisual de Galicia será o punto de partida para a creación dunha infraestrutura única en España; que consistirá na posta en marcha dun Estudo Inmersivo, dotado das instalacións máis punteiras. Entre as que destaca unha pantalla LED xigante de altísima definición que permitirá mesturar personaxes e actores fóra de localizacións reais de rodaxe. O estudo permitirá crear contidos inmersivos de ficción, realidade virtual e aumentada que son de aplicación no ámbito cinematográfico, televisivo, publicitario ou dos videoxogos. A dispoñibilidade deste tipo de instalacións, tamén permitirá a produtoras españolas e estranxeiras aproveitar as vantaxes de aforro de custos e tempo que ofrece a produción virtual, tendo en conta que un estudo de gravación virtual pode reducir ata nun 70% os custos de produción. En definitiva, un proxecto que da resposta ao reto que o sector audiovisual galego está a asumir co despegamento das plataformas dixitais e as innovacións constantes que se producen a nivel mundial, situando a Galicia como un territorio idóneo e competitivo para a localización de rodaxes e produción virtuais.

- 8) Insístese no carácter prioritario da **asistencia aos municipios** da provincia en materias xurídicas, económicas, técnicas e urbanísticas e de modernización administrativa a través dos recursos inicialmente asignados a estes servizos para o exercicio 2024.
- 9) Continuamos neste exercicio facer coa aposta decidida pola dixitalización da administración provincial e dos concellos mediante a implantación da **Axenda Dixital Provincial**.

O informe do Consello de contas de 2022 sitúa á Deputación Provincial da Coruña na vangarda da implantación da administración electrónica en Galicia, certifica que estamos no bo camiño e supón un estímulo para seguir avanzando.

Por este motivo nos orzamentos de 2024 aumentaremos os fondos destinados á dixitalización en 1,7 millóns de euros (un 36% máis). Procederemos a ampliar a plataforma informática de xestión electrónica da Deputación e os concellos a través do programa Concello Dixital e seguimos traballando intensamente na mellora da ciberseguridade dos concellos.

- 10) En aplicación dos criterios indicados, no capítulo 1 de gastos de persoal recóllense as partidas necesarias para atender os compromisos e acordos adquiridos cos representantes do persoal funcionario e as que resulten das novas necesidades organizativas e operativas.

Nas previsións orzamentarias para o exercicio 2024 tomáronse en consideración as retribucións que resultan das previsións do Lei de orzamentos xerais do Estado para o 2023 mais os incrementos ata agora aprobados.

Ao non estar aínda aprobado o Proxecto de lei de orzamentos xerais do Estado para o 2024, dotase unha partida por importe de 1.556.384,00 € en previsión do incremento que se aprobe na Lei de orzamentos xerais do Estado, tendo en conta o asinado no Acordo Administración-Sindicatos para o exercicio 2024, así como a cantidade do 0,5% pendente do exercicio 2023.

- 11)** Os destinatarios máis relevantes dos recursos provinciais son:
- a) Os concellos da provincia a través do POS+ 2024, do PEL concellos 2024 e demais convocatorias de subvención de persoal de concellos, así como das subvencións para investimentos en materia de servizos sociais.
 - b) As empresas, os emprendedores, os autónomos e os traballadores a través do PEL e as súas diferentes liñas de actuación.
 - c) Os servizos sociais municipais, provinciais e realizados a través de entidades sen ánimo de lucro (cocifias económicas, bancos de alimentos, atencións de emerxencia social, etc.) e os cidadáns.
 - d) As actividades culturais, deportivas, de educación e ensino da provincia.
- 12)** Non pode finalizarse este breve comentario sobre os gastos provinciais do exercicio 2024 sen manifestar que o crecemento dos gastos correntes (capítulo I e II) está xustificado polas seguintes consideracións:
- a) Non todos os gastos correntes son negativos nin todos os investimentos son positivos. Aqueles gastos correntes que atenden as funcións sociais básicas como educación, ensino, atención a dependentes, servizos sociais, sanidade, seguridade, igualdade, en fin, os directamente relacionados coa atención axeitada dos servizos sociais esenciais deben achegarse aos obxectivos de calidade e eficiencia social necesarios, e son en definitiva auténticas inversións para as persoas.
 - b) A adecuación das condicións de traballo, a estabilización do emprego temporal e a procura da máxima profesionalización dos servidores públicos son requirimentos ineludibles dun Estado Social.
 - c) A evolución dos prezos da enerxía e dos bens e produtos necesarios para a prestación dos servizos.
- 13)** Como é por todos sabido o Proxecto de lei de orzamentos da Comunidade Autónoma de Galicia non inclúe ás Deputacións Provinciais entre os destinatarios do Fondo Galego de Cooperación Local; mentres as diferentes normas autonómicas séguenlles atribuíndo competencias sen cuantificación e sen dotación orzamentaria. Tamén hai que dicir que este mesmo Proxecto de lei de orzamentos da Comunidade Autónoma non adecúa as

asignacións aos concellos ás competencias que a normativa autonómica lles atribúe e á situación económico-financeira destes. Sirva de exemplo o seguinte cadro no que se recollen os custos e rendementos anuais dos servizos educativos e de protección a menores, que sendo competencia exclusiva da Comunidade Autónoma son prestados pola Deputación da Coruña. O importe anual destinado a estes servizos minora, evidentemente, os fondos asignados aos concellos da provincia.

CENTROS	2023			2024		
	Créditos definitivos	Dereitos recadados	Diferenza	Créditos iniciais	Previsións iniciais	Diferenza
F.I. Emilio Romay (23112)	3.624.187,67	261.703,14	3.362.484,53	3.788.921,79	360.000,00	3.428.921,79
C.D.M. de Ferrol (23113)	1.722.503,61	46.216,70	1.676.286,91	1.720.816,49	110.000,00	1.610.816,49
Conservatorio (3261)	811.820,58	22.552,65	789.267,93	818.517,02	31.000,00	787.517,02
IES Puga Ramón (3242)	3.231.971,91	163.365,50	3.068.606,41	3.335.104,91	490.096,50	2.845.008,41
IES Rosalía Mera (3241)	2.005.343,29	35.641,87	1.969.701,42	2.079.444,12	181.925,61	1.897.518,51
C.R.D. Rosalía Mera (23111)	386.153,20	10.026,07	376.127,13	596.752,48	20.000,00	576.752,48
S. X. Centro Rosalía Mera (93365)	1.486.279,84	522,73	1.485.757,11	1.118.000,00	700,00	1.117.300,00
TOTAL CENTROS	13.268.260,10	540.028,66	12.728.231,44	13.457.556,81	1.193.722,11	12.263.834,70

En virtude de canto se expuxo permítome afirmar, motivada e fundadamente, que estamos en presenza dun orzamento caracterizado polas seguintes notas:

- Rigoroso e respectuoso coas normas xurídicas e cos criterios económicos de suficiencia e sustentabilidade.
- Responsable co interese xeral presente e futuro.
- Austero e realista.
- Comprometido co benestar e calidade de vida dos cidadáns.
- Socialmente sensible e orientado ao emprego.
- Dinámico e adaptativo.

CUARTO.- ORZAMENTO DAS ENTIDADES DEPENDENTES

Para dar cumprimento ao disposto na normativa básica estatal únense ao Orzamento Provincial o do entes adscrito: Consorcio Provincial Contra Incendios e Salvamento da Coruña.

O ORZAMENTO DO CONSORCIO

No proxecto de orzamentos para o exercicio 2024 incorpóranse os créditos necesarios para o financiamento da transferencia a prol do Consorcio Provincial Contra Incendios e Salvamento da Coruña, entidade na que a Deputación está asociada á Xunta de Galicia, financiando cada administración o 50 % do seu gasto, achegando cada unha 3.730.262,76 € para contribuír á loita contra os incendios e os seus efectos devastadores tan coñecidos pola sociedade galega e aos que resulta tan sensible calquera cidadán responsable.

As principais modificacións do orzamento do Consorcio Provincial Contra Incendios e Salvamento da Provincia da Coruña para o exercicio 2024 concréntanse en consolidar o cambio na forma de xestión e na aplicación dunha táboa retributiva única e común para todos os parques de bombeiros, que garanta a igualdade de todos os que realicen iguais tarefas e a seguridade xurídica de todos.

No pleno do Consorcio do 21 de outubro de 2021 adoptáronse decisións que terán unha importante repercusión na súa xestión. Entre estas actuacións débese destacar a aprobación dun Plan de Acción 2021-2022 que incorpora un Plan de Contratación para conseguir os ambiciosos obxectivos propostos no menor período de tempo posible.

Agora estamos inmersos na tarefa de establecer un modelo compartido e estable da xestión dos incendios nas provincias con varios eixos de actuación:

- Homoxeneización e actualización das funcións, tarefas e cometidos de cada posto de traballo.
- Adecuación das plantillas de efectivos.
- Valoración común dos postos de traballo para adecualos ás novas funcións, tarefas e cometidos.

SEXTO.- BASES DE EXECUCIÓN DO ORZAMENTO PARA O EXERCICIO 2024

Pola súa banda, as Bases de execución do Orzamento manteñen unha estrutura idéntica ás do exercicio corrente e anteriores, téndose introducido algunhas modificacións para adaptalas ás novidades normativas. En síntese, a través das mesmas regúlanse as seguintes materias:

- 1) Previsións das estimacións de ingresos e gastos que se adecuarán ás que resulten finalmente da aplicación da Lei de Orzamentos xerais do Estado para o exercicio 2024.
- 2) Normas para adaptar a xestión de subvencións dirixidas a entidades públicas e privadas ás circunstancias económicas e financeiras do exercicio 2024 coas determinacións da Ordenanza xeral de subvencións e transferencias, para mellorar a súa xestión e implementar a xestión electrónica.
- 3) Regúlase, así mesmo, o Fondo de Continxencia Provincial dotado con 4.440.000,00 € para atender necesidades imprevistas non discrecionais durante o exercicio, e cuxo 75% dispoñible no día 1 de outubro poderá destinarse a novos investimentos financeiramente sustentables nas condicións que permitan as normas de aplicación.

Finalmente sinalar que tamén se inclúen distintas adaptacións de orde técnico noutras bases para adecualas aos requirimentos legais da xestión ordinaria.

SÉTIMO.- PROPOSTA DE ACORDO

En virtude do todo o exposto anteriormente, de conformidade coas atribucións legais da Presidencia nesta materia, propónse ao Pleno da Corporación, previo ditame da Comisión informativa de Economía e Facenda e especial de Contas, que adopte o seguinte acordo:

1º.- Aprobar o ORZAMENTO XERAL DA DEPUTACIÓN PROVINCIAL DA CORUÑA para o exercicio 2024 por importe de 222.151.200,00 € e cuxo detalle é o seguinte:

CLASIFICACIÓN ECONÓMICA:

INGRESOS		GASTOS	
DEPUTACIÓN	IMPORTE	CAPÍTULOS	IMPORTE
I.- IMPOSTOS DIRECTOS	23.747.335,79	I.- GASTOS DE PERSOAL	57.756.828,93
II.- IMPOSTOS INDIRECTOS	17.437.936,51	II.- GASTOS CORRENTES EN BENS E SERVIZOS	42.783.767,93
III.- TAXAS PREZOS PÚBLICOS E OUTROS INGRESOS	12.163.161,61	III.- GASTOS FINANCEIROS	75.000,00
IV.- TRANSFERENCIAS CORRENTES	161.733.757,85	IV.- TRANSFERENCIAS CORRENTES	72.543.597,14
V.- INGRESOS PATRIMONIAIS	6.713.700,00	V.- FONDO DE CONTINXENCIA E OUTROS IMPREVISTOS	4.440.000,00
TOTAL OPERACIÓNS CORRENTES	221.795.891,76	TOTAL OPERACIÓNS CORRENTES	177.599.194,00
VI.- ALLEAMENTO INVESTIMENTOS REAIS	5.308,24	VI.- INVESTIMENTOS REAIS	22.685.235,00
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	21.336.000,00
VIII.- ACTIVOS FINANCEIROS	350.000,00	VIII.- ACTIVOS FINANCEIROS	530.771,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓNS DE CAPITAL	355.308,24	TOTAL OPERACIÓNS DE CAPITAL	44.552.006,00
TOTAL ORZAMENTO	222.151.200,00	TOTAL ORZAMENTO	222.151.200,00

CLASIFICACIÓN FUNCIONAL:

ÁREA DE GASTO	Orzamento
1.- SERVICIOS PÚBLICOS BÁSICOS	4.143.065,00
2.- ACTUACIONES DE PROTECCIÓN E PROMOCIÓN SOCIAL	60.985.797,63
3.- PRODUCCIÓN DE BENS PÚBLICOS DE CARÁCTER PREFERENTE	32.360.275,46
4.- ACTUACIONES DE CARÁCTER ECONÓMICO	70.800.234,55
9.- ACTUACIONES DE CARÁCTER XERAL	53.861.827,36
0.- DÉBEDA PÚBLICA	0,00
TOTAL ORZAMENTO XERAL	222.151.200,00

2º.- Aprobar igualmente as Bases de execución para o seu desenvolvemento.

3º.- Incorporar ao expediente orzamentario o orzamento inicialmente formado polo CONSORCIO PROVINCIAL CONTRA INCENDIOS E SALVAMENTO DA CORUÑA para o exercicio 2024, para dar cumprimento ao establecido no artigo 122.4 da Lei 40/2015, do 1 de outubro, de réxime xurídico do Sector Público, que presenta o seguinte resumo por capítulo:

INGRESOS		GASTOS	
CAPÍTULOS	IMPORTE	CAPÍTULOS	IMPORTE
I.- IMPOSTOS DIRECTOS	0,00	I.- GASTOS DE PERSOAL	8.574.127,47
II.- IMPOSTOS INDIRECTOS	0,00	II.- GASTOS CORRENTES EN BENS E SERVICIOS	1.804.587,50
III.- TAXAS PREZOS PÚBLICOS E OUTROS INGRESOS	3.508.284,53	III.- GASTOS FINANCIEROS	1.100,00
IV.- TRANSFERENCIAS CORRENTES	7.460.525,54	IV.- TRANSFERENCIAS CORRENTES	511.995,10
V.- INGRESOS PATRIMONIAIS	0,00	V.- FONDO DE CONTINXENCIA E OUTROS IMPREVISTOS	0,00
TOTAL OPERACIONES CORRENTES	10.968.810,07	TOTAL OPERACIONES CORRENTES	10.891.810,07
VI.- ALLEAMENTO INVESTIMENTOS REAIS	0,00	VI.- INVESTIMENTOS REAIS	77.000,00
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	0,00
VIII.- ACTIVOS FINANCIEROS	0,00	VIII.- ACTIVOS FINANCIEROS	0,00
IX.- PASIVOS FINANCIEROS	0,00	IX.- PASIVOS FINANCIEROS	0,00
TOTAL OPERACIONES DE CAPITAL	0,00	TOTAL OPERACIONES DE CAPITAL	77.000,00
TOTAL ORZAMENTO	10.968.810,07	TOTAL ORZAMENTO	10.968.810,07

4º.- Aprobar o estado consolidado do Orzamento Provincial, co orzamento do Consorcio Provincial Contraincendios e Salvamento da Coruña que presenta o seguinte resumo por capítulo:

INGRESOS		GASTOS	
CAPÍTULOS	CONSOLIDADO	CAPÍTULOS	CONSOLIDADO
I.- IMPOSTOS DIRECTOS	23.747.335,79	I.- GASTOS DE PERSOAL	66.330.956,40
II.- IMPOSTOS INDIRECTOS	17.437.936,51	II.- GASTOS CORRENTES EN BENS E SERVIZOS	44.588.355,43
III.- TAXAS PREZOS PÚBLICOS E OUTROS INGRESOS	15.671.446,14	III.- GASTOS FINANCEIROS	76.100,00
IV.- TRANSFERENCIAS CORRENTES	165.464.020,62	IV.- TRANSFERENCIAS CORRENTES	69.325.329,47
V.- INGRESOS PATRIMONIAIS	6.713.700,00	V.- FONDO DE CONTINXENCIA E OUTROS IMPREVISTOS	4.440.000,00
TOTAL OPERACIÓN CORRENTES	229.034.439,06	TOTAL OPERACIÓN CORRENTES	184.760.741,30
VI.- ALLEAMENTO INVESTIMENTOS REAIS	5.308,24	VI.- INVESTIMENTOS REAIS	22.762.235,00
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	21.336.000,00
VIII.- ACTIVOS FINANCEIROS	350.000,00	VIII.- ACTIVOS FINANCEIROS	530.771,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓN DE CAPITAL	355.308,24	TOTAL OPERACIÓN DE CAPITAL	44.629.006,00
TOTAL ORZAMENTO	229.389.747,30	TOTAL ORZAMENTO	229.389.747,30

5º.- Dispor a exposición ao público polo prazo de quince (15) días hábiles, mediante a inserción do oportuno anuncio no Boletín Oficial da Provincia para os efectos de reclamacións, conforme ao disposto no art. 169.1 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, e art. 20.1 do R.D. 500/1990, do 20 de abril, e se, ao remate do período de exposición non se tiveran presentado reclamacións, considerarase definitivamente aprobado, publicándose, resumido por capítulos no Boletín Oficial da Provincia, segundo establece o art. 169.3 do citado Texto refundido, consonte co art. 20.3 do R.D. 500/1990, do 20 de abril.

6º.- Unha vez aprobado o orzamento remitiranse copias do expediente á Administración Xeral do Estado e da Comunidade Autónoma, de acordo co disposto na normativa vixente.

7º.- O expediente orzamentario permanecerá a disposición pública no Servizo de Orzamentos e Asistencia Económica a Concellos, na páxina de internet da Deputación e no Portal de Transparencia, en cumprimento do disposto na normativa estatal e autonómica de transparencia, bo goberno e acceso a información pública.

O Presidente,

Valentín González Formoso

(asinado dixitalmente)